



KEMENNADENN D'AR GAZETENNERIEN

D'ar 7 a viz Ebrel 2020

## E 2021 e vo redet Redadeg 2020

**Kengret, sportel, sevenadurel, bevet a-stroll ha gant plijadur, tremenet e vez dre 5 departamant dibaoe 2008 bep eil bloaz met abalamour d'ar c'hKovid19 e vo redet hor 2020 km e miz Mae 2021.**

### 1) Aozerien ar Redadeg o doa bet un emgav a-bell disadorn :

Ar burev, ar c'huzul merañ, tud a-youl vat, aozerien al loc'hañ e Karaez hag an degouezh e Gwengamp zo bet bodet dre bellgomz evit divizout dazont Redadeg 2020.

Awenet e oant bet gant disoc'hoù ur sontadeg lañset gant Fulup Kere, kenbrezidant ar Redadeg, dre ur video war ar rouedadoù sokial : goulenn a rae digant an holl reiñ mennozhioù war ar mod da gas Redadeg 2020.

90 respont hor boa resevet ur sizhunvezh goude, ijin, birvilh ha spi gante, peadra da reiñ kalon deomp en-dro ha da reiñ boued preder da youlidi ar Redadeg.

Kavet hon eus plijusoc'h chom gant ur Redadeg gwir met furoc'h daleañ anezhi e miz Mae 2021, dre ma n'eus netra sur evit ar mizioù o tont.

Pegoulz resis e vo dalc'het hon darvoud ? An dra-se a chom deomp da zivizout gant hor c'hevelerien ; prantad boaz ar Yaou Bask ? pe unan all dre ma vo pep tra dreistordinal c'hoazh ? klask a raimp ober hor soñj a-benn fin ar miz.

### 2) 816 km zo bet prenet/miret betek-henn :

Chomet eo sac'het ar gwerzh kilometroù e kreiz miz Meurzh. Fellout a ra deomp kenderc'hel ganti avat ha bezañ peurwerzhet an 2020 km a-benn fin ar bloaz 2020 !

Gouzout mat a reomp e konte an dougerien raktresoù ha Diwan war arc'hant ar Redadeg a oa da vezañ roet dezho e fin 2020. Ma teuomp a-benn da beurwerzhañ an holl gilometroù e fin 2020 e c'hellimp reiñ o chekenn dezho da-geñver fest degouezh ar Redadeg e Gwengamp, gant 6 miz dale hepken.

Dalc'homp ganti evit prenañ ar 1220 km a chom ha tizhout 2020 km a-benn fin ar bloaz !

Pediñ a reomp ar re o deus prenet o c'hilometr da virout anezhañ evit ma vefe redet ganto e miz Mae 2021.

War hon lec'hienn internet ez tu mirout/prenañ kmoù c'hoazh : [www.ar-redadeg.bzh](http://www.ar-redadeg.bzh).

Lakait hoc'h anv ha chomomp a-gevred evit ar brezhoneg !

\* Adkavit ar raktresoù arc'hantaouet e 2020 war hon lec'hienn internet :

<https://www.ar-redadeg.bzh/br/raktresou-arc-hantet/>

**Contacts :** [www.ar-redadeg.bzh](http://www.ar-redadeg.bzh)

Kehentiñ : Cyril Lelong, 06 13 30 19 49 / 09 54 96 47 72.

Kenurzhiañ : Katelin al Lann, 06 71 23 36 42 / 09 61 20 26 11.

